

密縣志卷十四

同進士出身候選知縣前國子監學正武進謝增

同纂

同進士出身密縣知縣充丙子科河南鄉試同考官畢慶隆景綸

節

節

明

李晟妻馬氏 年二十五寡洪武中旌

朱讓妻陳氏 年二十七寡洪武中旌

監生宋光啟祖母屈氏 守節終身捐助河工銀二百兩萬

旌中旌

蘇昂妻魏氏 年二十八寡撫孤守節

生員程士龍妻李氏 年二十七寡撫孤守節日夜泣血遂

失明子雲路焚香泣祝求藥以療雙目復如初崇禎中旌

趙士高妻張氏 年二十七寡撫孤守節上憲旌門

雙節韓加宰妻方氏子來聘妻梁氏 夫死子夭與媳梁氏

矢志守節績紡度日孫繼文中丙子舉人上憲旌門

劉志信妻司氏 年二十一寡養姑撫子苦節五十六年

李尙德妻王氏 年二十二寡甘貧教子以節孝著上憲旌

門

生員宋傅妻黃氏 守節撫孤崇禎元年旌

韓加臣妻孫氏 年十九寡因媒勸嫁自繼柩前救之得甦

守節四十餘年學院旌門

童生楊孟夏妻王氏 幼通孝經列女傳年二十夫卒氏投
繯姑救得甦勉從姑諭以祖姑貞節朱氏自期

張學孔妻王氏 年二十二寡無子女誓不改適苦節五十
年

王九進妻李氏 明季九進禦寇東門同守者三十餘人中
炮墜城死者七八九進與焉失其一股寇退同守者將其
尸置三官廟側推墻覆之去當是時氏方二十餘携幼子
日夜號泣追尋備歷險阻不得尸如是者數年忽一日遇
一老者卽埋九進之人也指示其處滴血認骨負骸歸葬
人以爲有神助云氏撫子成立後嗣繁衍

國朝

三節舉人馬體健妻蔡氏子驥妻李氏孫德元妻魏氏明
末闖寇陷城健父子殉難姑婦咸苦節撫孤德元入邑庠
旋卒其妻魏氏同矢貞守門三代俱節

張我榮妻蘇氏 年十八夫死撫孤苦節六十年

增廣生蔡萃芳妻徐氏 逆闖之亂姑被傷氏負姑逃匿無
何姑以創亡氏於亂離中竭力營葬夫染病昏迷不知母
故氏剪髮爛肉百計調治獲愈生二子夫旋卒會族叔欲
奪其志氏哭曰吾十年前亂離中尚能事姑而今以時平
渝志耶卒不從

張士燃妻朱氏 年十五于歸夫旋病故聞舅姑有逼嫁意
剪髮自縊家人解救得甦撫嗣子竟成立寬長事親亦孝

生員魏尊孟母孫氏 年二十寡苦節六十年

生員李景粹妻孫氏 年二十寡無出誓守節

周南妻侯氏 年二十寡家貧守節四十五年康熙六十一

年旌

張煦妻李氏 青年守節雍正十一年旌

項文瑞妻郭氏 年二十四寡食貧守節教子臨禹以孝行

著乾隆八年旌

生員蔡體元妻陳氏 年二十三寡養姑撫孤乾隆八年旌

張瑞光妻侯氏 青年喪耦白首完貞乾隆八年旌

張世祿妻盧氏 青年守節撫孤事姑乾隆六年旌

生員張珂妻蘇氏 夫死守節乾隆八年旌

雙節屈來同妻李氏嗣子健翎妻張氏 皆青年守節乾隆八年旌

張湛妻郭氏 二十守節脩厝艱辛盡孝盡慈

劉仁妻米氏 夫亡守節

周紳妻陳氏 夫亡守節

王克一妻閻氏 年十五子歸祖姑久病翁亦衰老夫瞽目又病癱瘓氏獨力支撐孝敬兼至祖姑與翁相繼卒夫尋亡遺子僅數月苦節三十三年

生員韓之英妻黃氏 年二十寡剪髮矢志繼子不肖蕩盡

田產氏勤勞奉姑盡孝

雙節慕毅妻楊氏族叔母郭氏慕通志作韓 年十九寡遺五目

兒希元孤苦無期功親有族叔母節婦郭氏亦赤貧同居
操作晝夜無暇雖粗糲不給卒撫子成立

田發妻張氏

通志發
作登

二十守節

張映宿妻焗氏

奉姑撫孤苦節終身

雙節韓鍾秀妻宋氏弟毓秀妻傅氏 均無子矢志共守苦

節終身

監生馮廷棟妻李氏 守節慈孝

慎來吉妻連氏 二十守寡撫遺孤成立

李傅妻徐氏 二十二守節撫孤成立

閻醇妻魏氏 苦節撫孤

鄭周妻王氏 苦節四十七年

生員張襟嵩妻李氏 年二十二守節孝慈

侯執要妻董氏 青年守節撫遺孤成立

李晏妻鄭氏 守節撫幼紡績成家

黃澄妻張氏 二十八歲寡遺子良僅周歲以孝慈著

處士黃天佑妻張氏 二十一守節撫子成立年七十勤勞

罔懈

雙節張克敬妻魏氏子旺妻孫氏 二十三寡撫子旺成人

娶孫氏生男甫三月旺又亡乃與媳撫孤同守

張環妻馮氏 年二十寡家貧守節撫孤

李曰貞妻張氏 年二十六寡紡績奉親撫數月孤成立嘉

慶十五年旌

李文光繼妻高氏 年二十七寡事舅姑以孝撫前子有恩

儒童周栢妻劉氏 年二十三寡食貧守節以慈孝稱

生員錢肅妻王氏 年二十七寡截髮守志

周永年妻邵氏 于歸三載夫故剪髮守志與姑相依飲食
寢興晷刻不離

周朴妻王氏 年二十七寡食貧守節以孝慈著現年九十
歲

翟思溫妻王氏 年二十五夫卒子方一歲夫弟三人皆幼
氏教養成立

姚廷妻李氏 二十五歲守節撫嗣子

牛照妻丁氏 二十三寡節孝兩全

陳萬桂妻張氏 二十三歲寡撫三歲孤成立

陳萬樞妻趙氏 十七于歸二十二寡苦節終身

王彪妻吳氏 年二十八守節終身

張誕嵩妻韓氏 年二十六守節孝親撫孤

牛蓋妻張氏 年十九寡撫八日孤成立艱苦萬狀

慕玊妻許氏 二十寡學院旌門

郭天恩妻于氏 二十一寡事姑撫嗣子

韓時亮妻鄭氏 年十八于歸未逾年寡氏縊死柩前救復

旌勤紡績篤孝慈

馬振洪妻唐氏 十七于歸十九寡甘貧苦守

王大可妻劉氏 年二十七寡能事舅姑撫嗣子

雙節趙普母陳氏普妻王氏 陳氏年二十一寡王氏二十寡姑
媳苦節終身

呂繁妻鄧氏 十八守寡家貧艱苦以孝慈著

魏澄妻李氏 二十九歲寡守節撫孤勤教育性好施與歲
有餘糧時以周鄰里

王君好妻施氏 十六于歸二十守節

周寶妻崔氏 二十一寡撫孤成立

蔡光遠繼妻魏氏 年二十三守節奉親撫孤辛勤備至

劉宗漢妻張氏 年二十四寡苦節終身

王大梁妻李氏 年二十六寡撫孤守節艱苦備嘗

孫爾崑妻楊氏 年二十五夫故子殤苦節終身

李良佐妻樊氏 二十守節孝事病姑

李崙妻閻氏 年二十四寡苦節四十九年

郭歆妻何氏 二十四歲寡子岐生二歲瑞生未彌月氏獨

居土窰抱子啼泣常照柴紡績度日撫孤成立

李曰庠妻母氏 二十六歲守節艱苦備至

郭琚妻徐氏 二十四歲夫故守節

楊爲琦妻郭氏 年二十二守寡琦叔父欲逼嫁之誓不他

適奉親撫孤貧苦厲節

郭臻妻趙氏 年十九守寡撫孤苦節

尙璞妻徐氏 二十孀居勤苦厲節撫孤乾隆四十年旌

李裕昆妻王氏 二十三守節奉親撫孤

張九霜妻樊氏 年二十二守節以孝慈著

傅玫妻蔡氏 二十五守節奉姑撫八月孤成立苦志完貞
郭豫妻楊氏 十九守寡奉親教子節孝兩全

劉美生妻于氏 二十一寡撫孤勤苦年近古希孫曾繞膝
人以爲節孝之報

儒童王純一妻蔡氏 二十三歲寡養姑育子艱苦備嘗

張子英妻趙氏 二十一寡艱辛萬狀撫三歲孤成立以孝
慈著

雙節郭建極妻吳氏子汶妻盧氏 吳氏二十二寡子方周
歲盧氏生子甫三月汶夭姑媳苦節終身

孫梅妻于氏 貧苦守節

陳景蘇妻馮氏 二十八寡勤儉持家孝事舅姑撫二歲孤
成立

數節盧松年繼妻趙氏子昇妻鄭氏 皆青年守寡苦節終
身

李曰潤妻魏氏 二十五守節孤苦終身

馬貞妻戴氏 二十一守寡殞葬翁姑如禮

周都妻秦氏 二十九守節

生員黃釗妻鄭氏 二十五寡家貧勤苦奉姑撫嗣子成立

儒童王國玠妻馬氏 玠通志作瑜 二十六寡奉姑孝謹撫兩男

一女成立苦節終身

監生錢可大妻王氏 二十八守節

雙節張可立妻李氏子容端妻蘇氏 李氏十九而寡蘇氏
嫁未一年亦寡姑媳矢志共守乾隆三十年旌

牛克敬妻馮氏 年二十二守節艱苦備至

周模妻孫氏 年二十五寡事姑撫子苦節終身

蔡璵妻孟氏 年十九寡事舅姑孝接娣姒和身勤操作

申喜忠妻蔡氏 年二十三守節後值饑饉家無升合舅姑
欲奪其志誓死不從茹荼飲水撫孤成立

司瑞妻陳氏 二十二守節孝親撫孤

冉宏道妻陳氏 二十而寡男女俱無將應得田產盡行推
讓撫嗣子成立

劉敬功妻秦氏 二十三守節孝親撫孤

郭鑑妻王氏 二十二守節事翁孝

張聞妻李氏 二十二守節子甫彌月貧苦守節

張兆麟妻趙氏 年二十一寡事姑撫子苦節四十餘載

李士超妻傅氏 二十三孀居撫孤

蔡三留妻王氏 二十二守節孝養孀姑終身縞素

雙節王之才妻關氏子樽妻張氏 關氏年二十四寡張氏
年二十八寡皆苦志守節教子成立

錢克和妻孫氏 年二十寡撫遺腹子成立

梁大仁母楊氏 十九歲守節

樊吉慶妻魏氏 年二十四守節

崔瑤妻魏氏 年二十七守節

梁寬妻李氏 年十八寡苦志守節養親教子

崔秀妻呂氏 年二十三寡誓不他適養姑送終撫二歲子
成立

周起旺妻張氏 年二十八寡撫孤成立子耕母織勤儉成
家

儒童馬廷俊妻高氏 年二十三守節艱苦度日撫孤子成
立

雙節趙景壽妻郭氏媳馬氏 年二十五寡與媳馬氏同心
共守敬養舅姑苦節四十餘年

儒童韓适妻馬氏 二十而寡撫遺腹子苦節終身孝慈兼
盡

監生韓之休妻馮氏 二十七歲守節治家教子有法度
寇琳妻蘇氏 青年守節克儉克勤撫三月孤成立乾隆三

十一年旌

楊國幹妻劉氏 十九而寡苦志守節撫孤

孫耀祖妻鄭氏 年十九守節撫孤

張琨妻張氏 年二十一寡養老撫孤辛苦備嘗

劉果行妻張氏 年二十三寡事翁姑孝撫孤教讀有和九

晝菝之風

李景白妻張氏 二十四歲夫亡守節

李元隆妻張氏 夫死守節

張封公妻李氏 二十四歲夫亡守節

張畧妻張氏 二十九歲寡苦節五十年

張九鵬妻呂氏 二十八歲守節奇貧撫子成立

李望忠妻桑氏 年二十三守寡苦節三十八載孫曾繞膝

王士俊妻趙氏 年二十二寡堅志撫孤苦節終身

生員王遵式妻孟氏 二十五寡年逾古稀家計蕭條撫養

遺孫言之輒淚下

李士義妻張氏 年十八寡勵志守節

儒童黃洵妻李氏 青年守節孝孀姑教子成立年近期頤

孫屬林立

生員馮瑜妻黃氏 二十八歲夫亡冰操自厲教子義方

張如章妻王氏 年二十二寡堅志守節孝慈兩全

郭建篤妻朱氏 年十九寡子女俱無紡織奉翁姑

生員周部妻劉氏 年二十三守節孝慈備至

陳巡妻李氏 年二十九寡貧苦自守

馬溫妻李氏 年二十七寡貧苦無依守節終身

袁桂妻楊氏 年十九寡撫遺腹子苦節終身

趙泰妻徐氏 年二十一寡奉親教子貧苦彌貞

儒童張曰德妻孫氏 年十八寡矢志不移以孝慈著

儒童盧永言妻張氏 年二十五寡教嗣子成立

王家徵妻余氏 二十四歲守節孝舅姑教孤子成立

張國秋妻白氏 十七歸張甫七月而寡撫遺孤成立苦節

陳日明妻張氏 二十二歲寡撫孤守節備極辛苦

陳昉妻白氏 年十九寡甘貧撫孤孝慈脩著

楊國柱妻辛氏 十九而寡自縊得救閱數月生男堅志苦守

劉賢妻邵氏 年十九寡越三月舉一男堅志苦守

陳敕妻黃氏 年二十二寡無子堅志欲殉迫舅姑命以姪

爲嗣事親撫孤節孝兩全

生員周光宗妻鄧氏 二十九歲寡家貧守節孝慈兼盡

儒童張國型妻劉氏 年十九于歸六閱月而寡矢志守節

奉親教子

何守寶妻時氏 年二十三守節以貧故數經播遷撫孤成

立脩極辛苦

李佩君母王氏 幼年夫故白首完貞

張彥母孫氏 事蹟失載

儒童劉曰温妻張氏 二十一寡晝則奉親課子心力勞瘁

夜則和衣抱笏驚惕憂魂氏之節殆以苦而益貞也

董泉妻魯氏 二十三寡家貧紡績撫週歲孤成立

處士周泗如妻李氏 二十二守節

田大元妻李氏 二十二寡苦節撫孤

郭環妻張氏 家奇窮三十歲寡無子誓不改適漂泊同族

間爲人誦其節

張長庚妻張氏 二十一寡苦節三十餘年

陳舜妻周氏 年二十一守節撫孤勤苦現年五十餘歲

張維範妻徐氏 年二十三守節撫孤成立

儒童張抱嵩妻楊氏 二十九守節孝親育子

郭紹章妻李氏 二十六夫亡守節撫孤

郭明義妻子氏 年二十四寡家奇貧撫孤守節

魏瑤妻高氏 年二十三守節家貧教養二子成立

生員李植仁妻范氏 年二十七寡家貧苦節三十餘年

劉舜妻米氏 二十一歲寡剪髮自誓奉親養子苦節四十

餘載

國學生朱承佑妻馮氏 年十九寡子未週歲奉親撫子苦

節終身

王宣妻龍氏 年二十三守節子方週歲晝耕夜織曲盡孝

慈

處士周以齊妻李氏 二十四寡撫孤并養夫弟成立

雙節朱顯亮妻牛氏 奉姑媳苦節相依爲命

馮澤妻黃氏 二十五寡教子成立

王三英妻王氏 年二十二守節撫孤乞丐度日終不改操

生員黃元文妻張氏 寒澗溫惠克盡婦道孝慈備著苦節

終身

郭歆妻慕氏 疑卽何氏重出 夫死守節

張大鵬妻李氏 撫孤守節

楊英妻邵氏 已十一寡苦節五十年

張容端妻蘇氏 撫孤守節乾隆十六年旌

邢國周妻高氏 咬指矢志事姑盡孝守節四十四年乾隆

三十三年旌

楊廷寬妻閻氏 苦節養親撫三月孤成立嘉慶七年旌

王汶妻侯氏 二十五寡守節三十三年

孫士寧妻梁氏 二十一寡甘貧撫孤苦節七十三年

王澤妻尙氏 二十五寡紡績度日養子成立

周儉妻鄭氏 二十八寡苦節四十三年

孫坤妻楊氏 二十二寡苦節終身

楊興宇妻張氏 幼養於姑家十七歲完婚越二年而興宇

亡貧無寸土度日維艱氏獨自守冰霜益勵

孫祥妻梁氏 年十歲養於姑家十七完婚二十五寡苦節

三十餘年

陳大祥妻楊氏 二十三寡節孝兩全苦節四十餘年

郭鳳鳴妻徐氏 年二十三寡三日不食欲以死殉後勉承

姑勸奉親至終守節三十六年

郭元禮妻梁氏 年二十二寡子容方一歲家貧如洗誓不

他適晝抱子討乞夜紡績以奉翁姑苦節五十餘年

張卓妻徐氏 年十九寡事姑孝守節四十二年

徐有德妻郭氏 二十六歲家貧撫孤苦節五十三年

郭元音妻張氏 年二十八寡守節五十餘年

王行妻郭氏 年二十七寡矢志守節壽九十六

王丹臣妻楊氏 年十九寡矢志守節撫孤養親勤苦不怠
更能析產與諸姪現年七十一

徐有林妻李氏 年二十四寡甘貧勵節事姑孝姑沒撫夫
弟二人成立苦志四十一年

王者福妻魏氏 夫歿姑撫氏哭曰我老喪子是不幸也爾
青年何苦守爲氏抱姑哭曰夫死從夫理也八十孀姑將
安置乎吾寧死不易志也闕月姑卒而魏氏舉遺腹子晉
晝薪夜織撫養成立

生員劉鳳鳴繼妻李氏 年十八夫死子殤姑有逼嫁意泣
誓守節撫前子事姑終身

陳珣妻李氏 年二十寡冰操自矢苦節三十餘年

儒童傅子敬妻魏氏 年二十八寡貧苦撫孤守節四十七年

處士馮士惠妻李氏 二十五寡事舅姑至孝守節二十四年卒

張鳳翮妻周氏 氏讀孝經列女傳諸書能曉大義年十七來歸相敬如賓不以家務累鳳翮得一意進取次年卽入邑庠旋因不勝父喪嘔血卒鳳翮既沒親老子幼氏力任其責日夜勤苦事姑盡孝課子耿南讀尤嚴耿南成歲歲名舉鄉試孫紹衣成進士內用部曹紹復於咸豐庚申武科名鼎盛爲密巨族皆氏之流澤也守節五十年卒

慶十五年旌

雙節靳雲英妻王氏子有妻李氏 年二十七寡甘貧守節

歷六十一年李氏十八而寡無子婦姑相依矢志靡他
年五十九

生員韓曰升妻趙氏 年十九寡無子紡績養姑苦節四十
年

鄭臺妻杜氏 年十九寡無子紡績養舅姑苦節五十餘載
任士玉妻王氏 年二十寡撫一歲子成人守節已三十六
年

王曰林妻樊氏 勤苦守節艱難萬狀

儒童韓望妻黃氏 二十二寡勤績養姑守節三十餘年

李士義妻李氏 二十六寡撫孤養親苦節四十年臨終命

子捐貲倡建十里堡茶亭前石橋

儒童李懷瑾妻包氏 二十一寡苦節已三十三年

生員王謙妻周氏 二十四寡以孝慈著子格正舉嘉慶

丙子鄉試氏現年五十七

張銘妻王氏 年十六子歸越十六日銘卒氏誓不他適現

年六十有七

張知愆妻徐氏 年二十一寡撫孤養親苦節終身

周宗彞母王氏 氏有才智苦節三十年能禦內難外侮教

子成立李泐石張爾儲避難超化年飢常不得食氏聞其

年少勤讀周之後皆成進士

生員張基緒妻劉氏 甘貧守節撫孤督課次子曾益申子

子鄉試任知縣人以爲苦節之報

監生張來章妾趙氏 雲南人十九歲適屈嫡與夫相繼沒
撫育嫡子成立艱苦備嘗

李欽典妻杜氏 年二十寡盡孝盡慈守節四十餘年

李一賓妻魏氏 年十六來歸賓已病篤旋卒初未合卺氏
矢志靡他以姪爲嗣有山田數十畝課之耕讀紡績不輟
年八十四

雙節李曰洞妻溫氏子居科妻朱氏 婦姑皆青年守節撫
孤成立

郭創妻李氏 年二十寡家貧矢志不移事姑養子守節終
身

李均妻武氏 年二十二寡甘貧守節撫孤養親

慎小回妻李氏 十九寡撫數月孤成立事舅姑孝

孫忠妻邢氏 二十一寡事姑孝撫嗣子成立守節五十年

申禮妻杜氏 二十寡紡績養親撫孤成立現年八十有八

曾元蕃衍五世同堂

賈材妻劉氏 二十而寡以孝慈著守節五十餘年

雙節秦序妻任氏子福元妻張氏 婦姑皆勵志守節以孝

慈著

孟世喜妻傅氏 二十三孀居子女俱無以姪嗣日夜勤作

以孝慈著

牛國林妻劉氏 十九寡誓志守節孝事舅姑以姪嗣尋殤

又立嗣

孟營妻張氏 年十九寡子女俱無事舅姑孝撫姪屬節

鄭鼎玉妻張氏 二十四寡冰霜自矢以孝慈稱守節四十

八年

魏宗孟妻許氏 二十八寡撫孤養親

張兆巖妻趙氏 十八寡撫孤養姑年八十二

張景繼妻樊氏 年二十六寡甘貧守節以孝慈著卒年四

十八

張士行妻張氏 二十七寡撫孤矢志晚年尤好善年八十

七

張占魁繼妻秦氏 年二十五寡矢志守節孝事舅姑以姪

嗣晚年曾元流前五世同堂守節六十二年

鄧牛氏 二十歲寡無子守志不移年八十

盪生張日炷妻呂氏 年二十二守節以姪嗣撫教成立
難節太學生張炳繼妻宋氏子來泰妻白氏 姑媳苦志共

守撫嗣孫成立

張熾妻慕氏 二十六寡矢志守節養老扶幼年七十

朱崇儒妻尙氏 年二十三守寡養姑撫孤壽七十四

朱有禮妻常氏 二十七寡撫孤事親年七十四

儒童劉標妻陳氏 年二十一寡養姑撫孤成立壽七十

李永寧妻胡氏 年二十七寡撫養子成立壽八十三

賈玢妻王氏 年二十一寡勵節教子現年六十八

岳璐妻馬氏 年十七于歸越四月夫歿矢志守節事舅姑教嗣子恩養姪男女現年七十

朱崇讓妻崔氏 年二十寡撫嗣子勤儉持家現年六十四
儒童司萬義妻韓氏 年二十六寡家貧紡績奉母撫孤苦節五十年

許溫妻劉氏 年二十七夫故無子女苦節二十五年
馬常榮妻高氏 年二十二寡無子女矢志靡他年四十二卒

陳燃妻朱氏 年十九寡矢志守節撫嗣子成立堅操四十四年

馬璇妻鄭氏 二十二寡遺孤方九月初弟甫十歲扶持成人現年七十

牛德顯妻馬氏 年二十三寡撫六月孤成立現年六十

馬廣業妻馮氏 年二十五寡養翁姑撫嗣子守節三十六年

馬富禮妻郭氏 年二十三寡無子家貧勤行積善福糠孝事翁姑撫養夫弟守節三十餘年

馬克清妻孫氏 年二十三寡家極貧養孀姑撫幼子時嘔糟糠守節不移現年七十五

馬茹菁妻陳氏 年二十八寡甘貧守節撫養幼子守節五十年

六

陳萬橋妻危氏 年二十七寡紡織撫孤苦節三十七年

陳培基妻蔣氏 年二十七寡苦節撫子成立歲荒子媳俱

亡獨與一孫女并日而食現年六十二

馬開眉妻鄭氏 二十八寡撫嗣子嚴而有恩現年八十三

五世同堂

石乾妻宋氏 童養于石十七完婚三十而寡子女俱無恩

養夫弟成立後以姪嗣苦節已三十餘年

武生王鵬妻張氏 年十八寡苦節四十餘年

牛耀先妻張氏 二十三寡苦節守志

王克龍妻李氏 十八歲寡無子奉翁姑守節三十七年

劉敬妻馬氏 二十二守寡以孝慈著苦節已四十餘年

李廣聰妻劉氏 十七守節卒年六十七

陳錫妻李氏 二十一守寡善事公姑卒年八十四

侯國成妻白氏 二十一守寡家貧無子勤紡績以事公姑

壽九十九

梁之雷妻劉氏 十八寡無子立嗣事舅姑盡禮壽八十四

雙節申九思妻周氏子曰武妻白氏 姑婦守節矢志不移

周氏苦節六十年白氏苦節四十餘年

王侃然妻李氏 二十七寡家貧苦節慈孝兩全五十八

馬完妻鄭氏 年十九寡以孝慈著

處士李天渭妻馬氏 二十三寡孀居七十五年

李國齊妻周氏 二十九寡苦節撫孤壽八十

李月昆繼室張氏 年二十七夫亡苦節四十餘年

趙鐸妻周氏 二十九寡家極貧勸力養姑撫夫弟成立以

姪爲嗣現年七十

賈元福妻劉氏 十九守節孀居五十三年

生員趙家聲妻鄭氏 二十七寡勸力事姑以姪爲嗣苦節

五十三年

監生李永健祖母劉氏 年十七寡孀居六十七年

雙節儒童李曰勳繼室楊氏子承昇妻馬氏 年十七子歸

五月夫亡奉姑孝撫前子如已出孀居六十九年馬氏二

十三寡與姑厲志撫孤苦節五十一年

處士鄭無悔妻劉氏 三十一寡以姪繼孝親撫幼壽八十

處士趙義妻張氏 二十二寡孝事翁姑以姪爲嗣

竇蘭妻金氏 二十四寡事姑撫幼守節七十四年

儒童劉崇質繼妻周氏 十六寡誓志守節敬事舅姑撫前

子如已出

生員張元寵妻顧氏 廿年矢志撫孤子成立守節五十餘

載

張鳳翔妻周氏 年二十三寡以姪嗣以孝慈稱

劉澤遠妻陳氏 年二十九寡撫孤守節八十三

王廷鼎妻許氏 年二十一寡事姑撫遺腹子成立苦節六

十三年

劉鈺妻張氏 二十一寡事姑撫嗣子苦節五十六載

生員靳斌妻高氏 二十五寡敬奉孀姑經營家計撫養三

子成立現年六十四

張文龍妻桑氏 十八寡家貧紡織養舅姑撫遺腹子成人

無故不出中門苦節五十餘年

司獲福妻郭氏 年二十六寡紡績養舅姑撫嗣子成立苦

節五十七年

崔振妻蔣氏 年二十四寡家貧勤織慈孝兼至苦節四十

五年

侯振聲妻郭氏 年二十八寡事舅姑撫孤子苦節五十餘

年

監生司獲壽繼室侯氏 二十一寡撫前子成立以孝慈

稱守節三十九年

司獲桂妻高氏 二十一寡養親撫嗣子苦節五十年

張鏞繼室王氏 二十九寡甘貧撫孤苦節四十餘年

馮光照妻徐氏 年二十二寡以姪嗣苦節四十七年

監生呂長泰妻周氏 年二十五寡撫九月孤成立事翁

姑孝守節已四十年

呂振邦妻朱氏 年二十八寡無子苦節已三十年

馮光侯妻張氏 年二十八寡事親撫幼苦節三十一年

司獲辰妻李氏 年二十九寡紡織事姑撫子成立

朱良卿妻王氏 年二十九寡紡織事親撫孤成人苦節三

十餘年

王國良妻張氏 年二十二寡以孝慈著苦節五十餘年

周習易妻侯氏 年十九寡孝養舅姑撫嗣子成人苦節五

十餘年

周衡文妻王氏 早孀子幼紡績度日孝而知禮

蘇萬秀妻張氏 年十八來歸甫五月夫亡氏自縊索絕復

甦又掘井水極深浮水面不沉救之出姑病癱症晨夕扶

持撫嗣子如已出年四十九卒

張梁妻李氏 年二十三寡家貧艱苦貞節不移現年七十

二

樊俊妻吳氏 年二十五寡二子相繼亡酷貧矢志不移現
年七十五

生員陳逢元妻吳氏 年二十七寡撫孤成立孝慈兼著

王元吉妻周氏 年十九寡無子有諷之改適者忿置之道
有孤雁飛鳴過仰指云奈何視我不如雁立嗣守節年五

十一

侯德永妻周氏 青年矢志孝節無虧

梁大重妻楊氏 二十三寡遺腹子復痘殤卽夜自縊救之
甦後爲立嗣孝事舅姑終身

監生樊際峯妻劉氏 年二十三寡孝慈兼至苦節四十

餘年

生員陳海觀之妹王陳氏 年二十一寡子以痘殤常欲以
死殉夫以孀姑在經兄勸止後姑故號痛氣絕復甦至晚
自縊遇救得解以病卒年三十六

張大漢妻李氏 二十二寡紡織撫孤堅貞自守歷三十六
年

趙君聘妻劉氏 二十寡子甫三月家甚貧紡績事衰姑育
弱子清慈艱辛乾隆庚寅西隣失火延及翁姑藏主之室
氏跪禱神明風返火熄神主無恙人以爲孝思之感乾隆
四十七年旌

陳景成妻張氏 年二十三寡教養二子成立守節三十五

冠四妻李氏 年二十八寡無子撫育二女紡績自給終不
改節年六十二

陳景顏妻趙氏 年二十八寡撫子成立農事婦工兼治又
能治痘疹不索謝年八十五

王國固妻陳氏 十九歲守節紡織養親以姪嗣年六十一
李旺妻劉氏 年十七于歸甫六月夫故無子矢志自守苦
節終身

張書紳妻章氏 年二十三寡撫孤成立事舅姑孝年六未
四

張克讓妻李氏 年二十五寡以姪嗣事翁孝現年八十三
王名世妻張氏 年二十五寡事祖姑孝以堂姪嗣收養

原书缺页

原书缺页

五十有九

樊正心妻張氏 年十七于歸數月夫亡矢志守節姑卒撫
幼叔成立現年六十有八

姜齊賢妻靳氏 年二十二寡甘貧事姑撫遺腹子成立現
年七十有一

周暢妻秦氏 年二十二寡以姪爲嗣紡績不輟孝養舅姑
儒童周步瀛妻李氏 二十八寡甘貧守節孝養翁姑教嗣
子成立壽八十三

儒童周慶孔妻司氏 二十七寡守節三十六年以堂姪嗣
儒童周撫妻張氏 二十三寡撫孤成立守節四十年

吳雲妻馬氏 年十八寡矢志守節苦備嘗以姪嗣壽八十四

雙節樊恩信妻蔣氏子文煥妻紀氏 姑媳皆青年矢志守節艱苦萬狀蔣氏年八十四卒紀氏現年六十五

樊邦俊妻吳氏 年二十九寡甘貧守志撫孤成人苦節四十年

監生崔諤妻劉氏 二十四寡以姪嗣守節五十年
三節韓拔妻程氏子丕實繼妻張氏孫曰重妻屈氏 一門三節甘貧共守

孫嵩妻錢氏 二十六寡撫三歲孤立紡織養姑苦節四十年

處士皇甫綬繼室魏氏 己未進士魏士俊女幼讀列女傳

知大義十八于歸二十三寡子復殤以堂姪嗣事姑極孝

謹

魏君相妻張氏 二十四寡紡織撫孤教養堂姪有恩壽八

十二

郭豫妻楊氏 十九而寡奉孀姑撫弱子守節五十六年

梁邦傑妻張氏 二十九寡甘貧守節事姑撫幼壽八十七

胡作舟妻郭氏 二十七寡無子煢獨自守時依於母家善

治痘疹眼疾不索謝儀年八十有三

處士谷凌雲妻李氏 年二十三寡撫遺腹子成立善事翁

姑苦節三十二年

屈魁妻朱氏 二十五寡守節五十餘年

屈進妻朱氏 二十七守節卒年九十

趙徐氏 不詳其夫之名或云乳名蘭年十六于歸十七而寡無子矢志不嫁善治小兒痘疾鄉人賴之九十餘卒

處士李元長妻趙氏 二十四守節邑侯魏旌其門

李居琪繼室楊氏 夫故兄以其少也欲嫁之氏剪髮自誓

守節至八十三卒

馮臨朝妻程氏 二十二寡守節至八十三卒

高臺妻錢氏 十九寡守節四十餘年

童生王占鰲妻岳氏 十九寡矢志苦守至今二十六年

儒士張元泰妻梁氏 二十六寡事姑孝撫遺孤成立守節四十餘年

監生楊陳徽妻牛氏 二十四寡善事孀姑撫孤成立苦節七十餘年

劉太義妻周氏 年二十寡撫一歲孤成立守節四十四年
王鳳來妻周氏 十九歲于歸完婚之次日夫亡守節三十九年

劉棟妻陳氏 年二十四寡家赤貧艱苦育子成立守節三十七年

周開山妻蔡氏 年十八歸周氏甫逾月夫亡事舅姑孝撫嗣子如所出現年五十二

再相臣妻陳氏 青年守志以孝慈著苦節四十年乾隆五

十四年旌

王作梅妻李氏 年二十餘守志以姪嗣苦節三十餘年

冉天章妻張氏 于歸七十日夫故守節五十年以姪嗣

劉鎮坤妻李氏 二十九寡孝事舅姑撫育幼子艱苦備至

張維乾妻徐氏 二十一寡苦節六十二年

包克泰妻樊氏 二十九歲寡苦節四十餘年

包容妻楊氏 二十五寡奉孀姑三十年無失禮嘉慶七年

旌

蔡懷信妻許氏 年十七于歸閏四月夫亡矢志守節孝事

舅姑以姪嗣年八十有四

張炳文妻李氏 年十九寡守節五十餘年以姪嗣

禹長保妻朱氏 年十九寡無子勤織紡養翁姑守節三十

四年

張居禮妻韓氏 二十五寡養親育子守節二十八年

樊琪妻陳氏 二十八歲寡甘貧撫孤壽八十七

樊士法妻施氏 二十九寡紡績度日以慈孝著現年六十

三

李殿榮妻孫氏 二十二寡孝翁姑撫幼子現年五十八

生貞韓元炳妻焦氏 年二十七寡子女俱無撫姪成立守

節三十餘年

監生陳起章妻王氏 年二十六寡生二子撫養成立事姑

孝年八十餘

生員韓堦妻傅氏 年十九寡以姪嗣紡績奉孀姑苦節三十餘年

張榮妻王氏 二十八寡善奉繼姑撫四歲孤成立年七十五

王珪妻韓氏 二十四寡遺子數月矢志守節歷四十餘年
陳建禮妻孫氏 二十五寡撫遺腹子成人年八十餘

張檀妻王氏 年二十三寡以姪嗣現年七十四

張伯朗妻姚氏 年二十一寡事舅姑孝以堂姪嗣現年五

十一

邵大元妻崔氏 年二十二寡孝事舅姑嘗歸寧路遇天

雪氏號泣不寧跪雪中叩祝天忽霽里人咸謂純孝所感
守節五十餘年

馮瑛妻郭氏 二十四寡紡織養舅姑撫孤子成立

張文舉妻周氏 年十九寡甘貧苦節撫遺腹子成人歷三
十一年

盧瑜妻吳氏 年十九寡事翁姑孝撫三月孤子成立苦節
六十三載

生員盧永庚妻李氏 年二十二寡事翁姑孝撫孤子成立
壽登七旬

孫臣妻王氏 年二十二寡生子未逾月矢志守節艱苦萬
狀乾隆乙巳歲飢大疫氏與子俱餓死今其孫仁在寶豐

娶妻生子每歲歸祀焉

盧哲妻王氏 二十一夫故善事翁姑以姪嗣壽七十三

呂廷選妻樊氏 二十二寡守節四十餘年

王好合妻李氏 二十七守節教子有法

邵宗賢妻崔氏 年十七子歸未週歲夫卒矢志堅守紡織

度日有嗣子

牛國林妻鄭氏 年二十一守節以姪嗣日勤紡織孝事翁

姑

楊清讓妻鄭氏 年二十寡截髮自誓越七月生男而志益

堅事姑恤幼始終不易

崔君輔妻張氏 年二十四寡紡織養翁姑教幼子成立

劉珍妻黃氏 年二十四寡紡績度日教養幼子苦節四十

餘載

陳大敏妻子氏 年二十四寡紡績度日撫子成人守節四

十八載

馬崗妻宋氏 二十二歲寡撫孤成立

庠生馬光照妻張氏 紡績奉翁姑教養子女成立壽八十

二

宋天保妻馮氏 二十一而寡矢志守節撫孤成立歷五十

餘年

卹銖妻戴氏 二十四寡守節五十四年

李元長妻趙氏 二十四寡守節五十年

雙節馮克儉妻劉氏子大望妻方氏一劉氏二十二寡守節

五十年方氏二十五寡守節四十四年

張植妻李氏二十四寡養老撫幼紡織度日年九十六

楊法善妻牛氏二十四寡守節四十年

段宗賢妻高氏甘貧撫孤苦節多年

儒童劉瓚妻王氏二十四寡守節撫孤現年七十四

劉體仁妻周氏二十五寡貞潔自守事姑孝敬

監生劉自高妻陳氏二十九寡孀居四十六年

楊讓妻周氏二十寡以孝慈著守節五十四年

靳鍾山妻鄭氏二十一寡苦節已四十三年

李榮妻楊氏二十三寡撫遺腹成立苦節六十三年

朱讓妻于氏 二十五寡事親撫孤苦節四十五年

李士剛妻徐氏 二十四寡守節五十餘年

錢九雷妻閻氏 二十五寡苦節四十三年

錢仙妻張氏 二十九寡苦節三十一年

孫克勤妻梁氏 年十九寡苦節六十年

錢釗妻徐氏 二十六寡養親撫孤守節五十六年

監生任文學妻樊氏 二十七寡守節四十八年

處士張維孔妻徐氏 二十一寡守節六十一年

王玉璋妻高氏 二十八寡撫孤養親苦節三十餘年

雙節劉永壽妻王氏子鴻化妻王氏 二十七寡守節四十

九年媳王氏二十三寡守節三十八年

劉鑑妻侯氏 二十五寡冰操不移現年七十一

劉進信妻梁氏 十九寡守節三十七年

王進貴妻李氏 二十寡守節六十餘年

郭進忠妻張氏 二十三寡現年七十四

姚之洵妻郭氏 二十二寡節孝兩全孀居三十六年

朱衍泗妻張氏 二十二寡孝親撫孤守節四十餘年

郭延紀妻楊氏 二十三寡孝慈兼盡孀居六十年

郭秀實妻鄭氏 十九寡苦節六十餘年

李際明妻王氏 二十三寡守節撫孤現年七十三

劉青元妻姜氏 二十四寡奉親教子孀居四十年

李連旺妻郭氏 十九寡孝親撫孤現年六十七

賈材妻劉氏 二十寡以孝慈稱守節五十餘年

張仁妻王氏 二十三寡養親育子苦節五十一年

楊鴻經妻郭氏 二十八寡以節孝聞

生員張基裕妻錢氏 二十九歲寡紡績撫孤年七十八卒

生員韓立可妻郭氏 二十寡苦節五十五年

儒童王寶妻馮氏 二十七寡守節二十四年卒

徐友德妻郭氏 二十三寡守節六十餘年

李曰蔚妻王氏 年十八寡撫遺腹子成立孝慈兼至

李昭妻趙氏 年二十一寡艱苦備至壽七十有三

儒童陳汝翊妻許氏 二十三寡事姑撫孤子及小叔成立

節孝兩全孀居十五年卒

米成立妻施氏 二十五寡守節三十餘年

李綜妻 不詳其氏二十六寡守節三十餘年

孟祥仁妻李氏 二十七寡撫孤養姑苦節六十有三年壽九十

烈

明

王佐妻萬氏 佐疾亟顧萬曰我死汝善事後人萬泣以死誓佐逝卽自縊洪武中旌

楊春妻朱氏 年二十二寡有欲奪其志者引刀截耳乃止子孝以明經貢入太學正德十年旌

處士李橋妻屈氏 年十九寡有遺孀翦髮割面誓不他適

萬厯中旌

馮貴妻錢氏 十九夫沒絕食一晝夜得聞登樓自縊萬厯

中旌

郭光斗妻鄭氏 闖賊陷城光斗戰亡殉夫自縊

舉人韓繼文妻錢氏 崇禎十四年闖賊陷城罵賊殉難

國朝

生員錢棟妾張氏呂氏 棟久病謂兩人無嗣義不可以守
有遣嫁之囑旣而棟卒張恐議嫁截耳斷髮呂慄慄殉焉

舉人張體仁妻許氏 十六子歸性賢淑事舅姑孝越數年
體仁疾革囑氏曰吾死汝必嫁勿貽我地下憂氏曰吾豈
以生死渝節哉體仁卒氏亦自縊

魏一度妻鄭氏 夫沒子女俱無不月餘遂封髮整襟縊死
趙志妻張氏 以節烈著乾隆十六年旌

魏樹基妻王氏 于歸後夫隨翁姑逃荒南郡令氏居母家
後姑與夫皆亡惟翁還氏辭拜父母歸拜其翁慟哭自縊
年二十八

劉信妻陳氏 年十七守節家貧無子姑令改嫁氏砍左臂
明志年近七旬卒

溫傳道妻楊氏 年二十五守寡貧甚無以爲養以刃自刺

其喉流血滿地其父楊明延醫治之得不死訓子治家有法度

賈仁妻烏氏年二十一于歸越數月夫病亟割臂肉進不起絕食而卒

周永清妻張氏年十九于歸甫兩月清亡葬畢歸寧方食而姪勸以改適氏怒擲食器碎其面適爾後泥濘不顧而出其母駕車追至塗中送歸夫家即欲自盡姑鄭同家人防閑甚密遂不食姑委曲勸諭重違姑意乃少食閱三月餘姑以爲其志已回也防少懈張氏每俟供食者出盡以所食覆諸土仍不食卒

王黑狗妻李氏十八歸王二十而寡氏美而才有力者艷

之陷其家以厚利舉家逼嫁不從或誣以有私氏以刃自
犁其面事乃息姑亡挈其子移居南山深處終其身

烈女王六姐 遇暴不辱痛忿自縊乾隆三年隨案旌表

烈婦張氏 因惡少調奸氣忿故毆致死乾隆五十七年隨
案旌表

烈婦王陳氏 因強暴穢語辱罵痛忿自縊乾隆五十七年
隨案旌表

楊元妻錢氏 事祖姑及姑孝元卒乘間自縊嘉慶十一年

童生李秉均妻屈氏 年二十三守節止一女以經爲嗣恩

勤撫育女嫁男婦氏遂不食卒年三十五歲

王李成妻汪氏 年十八歸成奉姑孝嘉慶十八年大荒夫病曰我死汝肯養吾母乎氏慨許之夫亡遺二女姑泣曰嫁可獲生氏誓不食言賣女養姑姑卒自縊死年三十有二

王琨妻張氏 年二十六寡赤貧能事親撫孤嘉慶十八年大荒翁外出繼姑欲奪其志氏聞之縊死

司有文妻張氏 二十六寡無子女時夫之祖在堂年七旬舅姑沒有小姑尙幼勤力奉養後祖卒小姑已嫁氏曰我比是驢三服入俵作繭事完矣遂縊死

儒童李夢龍妻張氏 十九歲夫病亟割股和藥卒不愈夫

故絕食七日死乾隆年旌

李鑑妻馬氏年二十二寡家貧自矢靡他姑欲奪其志氏

持剪自抉一目以姪爲子紡績不輟年七十五

儒童楚白玉妻郭氏年十九于歸新婚夜夫暴亡矢誓不
改適以姪進財嗣俟進財出痘可望成立遂自縊年二十
八

周欵妻侯氏年二十寡遺孤三歲夫兄屢逼嫁不從更百
方挫折乃自縊人救之氣未絕奄息二日死

黃天誥妻張氏乾隆三十二年有強暴欲辱氏痛誓而去
遂自縊死官置強暴于法隨案旌表

呂得和妻劉氏性貞靜事翁姑孝夫因夏熱外宿匪徒冒

其夫人室氏聞聲怒詈其人驚逸遂羞忿自縊

韓八妻王氏 十七寡甘貧奉姑姑卒投繯死

張斬氏 適小寨張姓不詳其名甫半載寡父母憐其年幼無出欲令改嫁憤然回房痛哭自縊

孝

明

閻有倫妻許氏 生子鄂甫五日倫卒氏年十八矢志守節屢罹荒飢姑疾思肉食不得割左股以進遂愈萬厯中旌郭士存妻王氏 年十八寡撫遺腹子成立割股療母疾

國朝

郭元化妻徐氏 姑病割股療之子養民等六人俱列邑庠

生員喬芳琦妻傅氏 割股療姑病 學院旌門

儒童陳大松妻鄭氏 割股療祖姑病

楊興泰妻張氏 年十五于歸能執婦道姑病割股以進姑愈氏割不能起姑問之但云有恙不以直告

周荷如妻蔡氏 年十三母病劇割股煎湯奉之愈十八歸周數年寡守節終身

王國器妻張氏 割股療姑病

新竹妻何氏 姑患癘疾病篤家人畏傳染唯氏晝夜榻前

奉事罔倦湯藥難進用細竹筒以口納之漸愈隣里稱孝焉

生員陳君佐妻田氏 祖姑徐病極焚香禱神割股和藥以

進服之霍然

陳國斌妻周氏 年二十而寡撫遺腹成立翁病醫藥不効
氏割左股啖之立愈創亦即合人驚爲誠孝所感

郭明妻華氏 舅久病不愈割股和藥遂愈

何清母楊氏 姑病割股調羹以進遂愈

雙孝武舉李見龍妻徐氏弟如龍妻劉氏 妯娌因姑病各
割股奉姑遂愈

傅喜昌妻張氏 二十五寡割股療舅病現年八十三親見
一堂五世

張鑄妻李氏 割股療舅病

魏正均妻許氏 割股療姑病

監生錢學山妻王氏 十八于歸秉性賢淑動合闔範姑

病百藥不効醫云惟糞可辨氏卽取嘗之不數旬果痊

李曰可妻賀氏 割股療姑病

楊應五妻盧氏 割股療本生舅病

崔欽妻朱氏 家赤貧十二歲適欽十五歲割股療舅病

孫敏妻閻氏 二十九寡姑孀子幼苦志守節割股療姑病

年七十四

監生張中鄉妻趙氏 割股療姑疾年二十五寡撫嗣子

教育有方年六十六

劉君寧妻馬氏 夫游蕩外出家酷貧事舅姑至孝一家環處土垆中適風雪大作家無升斗舅病甚氏恐覆壓俱死昏暮冒雪負姑携子女送劉化麒家轉回垆視舅雪益甚無何垆口閉塞竟凍死舅亦卒

趙景宏妻李氏 割股療舅病

牛家來妻韓氏 南召人家來於乾隆六十年就婚氏家年二十次年正月回窳家來出痘故氏與祖姑姑三孀婦熒熒相守自耕種給食姑病氏割左股啗之痊現年四十一儒童陳依妻王氏 割股療姑病侍姑疾數年不解衣卧陳佃妻李氏 舅疾割股療之

王典學妻李氏 二十四寡撫二歲孤成人孝事舅姑姑沒

修衣棺訖卽囑子以家事乃就寢次日早家人呼之不應
啟被視之氣已絕驗無他故氏平日自誓姑歿必死果成
其志

郭蒙妻呂氏 幼習孝經十九歲于歸事翁姑至孝割股療
姑病

蘇法妻傅氏 割股愈翁疾年九十四

李濬川妻慎氏 性孝割股愈翁疾

于光昇妻李氏 割股療姑病現年七十六

馮士鄂妻鄭氏 二十八寡曾爲姑割股守節五十餘年

王體元妻劉氏 事孀姑孝割股療姑病

裴思勵妻楊氏 割股療姑病

王成家妻高氏 姑病割股療之

王寅妻王氏 割股療姑病

陳廣教妻劉氏 舅患癱症割股作湯進之病遂愈

郭秀芝妻華氏 父病割股煎湯奉之遂愈

雷明妻楊氏 二十一寡翁病割股療之盡孝苦節五十餘年

貞

明

徐宗武女 年十六字庠生韓旭未于歸流寇陷城女被執不從賊怒携之騎復不從自仆者三批賊頰流血厲聲罵曰我恨不碎汝賊首肯從汝賊去乎賊大怒磔之按院奏

請旌表

田國林女

守貞罵賊而死

吳猗義女

守貞罵賊而死

國朝

王照女

幼字人無音耗年二十餘父呈官欲令改適女聞

自縊

時魯山妻張氏

童養于夫家魯山外出三十五年無音耗

有勸之嫁者氏不應堅貞勤苦不輟以姓爲嗣

周鍾熊妻錢氏

氏許字周未于歸而鍾熊病舅姑意見喜

上可愈欲擇吉成禮氏母不允也氏曰兒旣字周而不聽其

娶將待其死可改許他人耶兒有死不爲也父母乃聽完

娶侍湯藥八月而鍾熊歿以姪爲嗣娶媳生子子與媳旋
相繼歿又撫其孫茹荼集蓼甘之若飴乾隆四十年旌
郭純女郭氏 字朱幹子天成家貧童養于朱年十五天成
天幹歸其父更擇婿氏誓不他適取嗣子壽七十一
周如海妻傅氏 二十一夫出外不歸四十八年渺無音信
氏紡織度日事姑孝以姪爲嗣

賢

國朝

德順蔡和馨妻李氏 二十而寡辛勤撫子允升弱冠入庠
常識之田師德睡而留候進履人須如是忍讓始得年登
玉女產以禮法自閑人謂有敬姜遺風

王鏐妻張氏年十八守節撫七月孤寡言笑絕糲餼不離
姑側不出中門歷四十餘年如一日

劉啟元妻李氏性賢孝善事舅姑並本生舅姑鄰有孤子
趙小成氏憐其窮苦失養周濟衣食數年

司獲祿妻陳氏幼授女經能解大義年十七子歸事舅姑
飲食必親進不假手奴婢姑患癱症扶持抑搔衣不解帶
者二年人稱賢孝焉

監生馮蓋臣妻張氏性賢孝姑失明左右奉養數十年無
惰容

生員韓世信妻張氏性賢孝夫歿教子嚴子孫俱入庠現
年七十餘督理耕讀紡績如常

壽

國朝

劉氏 壽一百零五歲

徐寶臣母樊氏 壽九十歲

王西恭妻劉氏 壽一百零二歲

鄭大冲妻趙氏 有婦道母儀壽百有四歲

梁維重母劉氏 壽九十八歲

王天成妻汪氏 壽一百零三歲

王喜妻張氏 壽一百歲

張燧妻傅氏 壽九十一歲

傅公萬妻劉氏 壽九十歲

李河妻王氏 壽九十九歲

監生高炳元妻司氏 壽九十五歲

裴紹瀨妻吳氏 性賢孝歲饑發粟周濟族黨全活甚多又

捐孝睦田四百畝敦宗勸學以子廷桂貴 諡封太宜人

現年九十八歲

密縣志十五

賜同進士出身候選知縣前國子監學正武進謝增
賜同進士出身密縣知縣充丙子科河南鄉試同考官候選長葛景綸

雜錄

祥異

周靈王二十七年春無冰鄭飢

景王十九年鄭大旱

二十一年夏五月火昏見壬午鄭災

二十二年鄭大水

顯王七年大雨三月

三十五年韓旱

東漢明帝永平十五年蝗起泰山彌行究豫

順帝永建三年河南三輔大旱五穀傷災

四年司隸荆豫兗冀部淫雨傷稼

殤帝延平元年九月涪水盛漲泛濫傷秋稼

獻帝建安十七年七月大雨涪水溢

唐憲宗元和八年四月大隗山摧時許州人雨溺死千人

宋太宗淳化二年澗水氾溢

真宗咸平五年七月霖雨惠民河溢按惠民河卽涪水

高宗建炎五年汴京大饑

元世祖至元三年四月至七月鈞州新鄭密縣霖雨害稼

順帝至正三年二月鈞州新鄭密縣地震

十九年鈞州新鄭密縣皆蝗食禾稼草木俱盡所至蔽日
礙人馬不能行填坑壅谷盈飢民捕蝗以爲食或曝乾而
積之又罄則人相食

二十二年鈞之新鄭密二縣皆蝗

明神宗萬曆十六年大飢人相食

四十四年蝗

四十五年大蝗

思宗崇禎四年冬大雪五日夜澗谷皆平禽畜僵死民絕爨
火雪融尸見者不一

五年夏滂雨六十日夜陵谷變遷屋塌傾圮

六年夏大旱

七年蝗飛蔽天

八年正月流寇數十萬屯聚密境屢薄城下焚殺甚慘秋復大蝗蔽天布野

十一年大旱蝗

十二年大旱蝗

十三年大旱蝗道殣枕藉人相食

十四年春闖寇圍密三日城破知縣朱敏許教諭岳士瞻死之百姓屠戮殆盡

國朝

順治五年淫雨連月

六年春羣狼入城噬人知縣李芝蘭禱于城隍廟卽日獲

狼十餘患遂息夏大旱

七年春文廟告成明倫堂產芝三莖夜間奎星樓有光如
火

康熙二年蝗蝻蔽野

四年夏月大雨如注東城崩

十一年蝗飛蔽天

十三年六月大旱

十四年正月雪霰結如毳五六月大旱

十七年飧食穀禾

十八年春夏大旱秋月霪雨民

十九年旱大飢疫

二十年瘟疫傷人甚衆

二十六年春夏大旱

二十八年春夏大旱

二十九年自春徂夏六月不雨禾稼枯死牛瘟十死八九
民飢

三十四年四月地震

四十八年大旱

五十三年八月不雨

六十年歲歉

六十一年無麥民多飢死奉 憲煮粥以賑

雍正五年縣西崗禾出雙穗

七年大水

八年大水民居倒塌壓死人數百洧河上下衝民田四百餘頃

十二年大水

乾隆十四年大水壞民居歲歉牛疫多死

十七年夏旱

十九年秋禾大熟

二十一年淫雨害稼

二十二年大旱道殣相望

二十七年夏大旱

三十年夏大雨雹

三十九年春多紅風黑饑歲歉

四十二年夏無麥

五十年春夏旱多大風秋無禾

五十一年春人相食瘟疫大作

五十二年大有年

五十三年夏多膳不爲災

五十五年大有年

五十六年消水楊水暴漲

六十年麥禾大熟多兩歧雙穗

嘉慶元年夏蝗飛蔽日不爲災

二年冬大雪三日平地三尺

三年夏旱洧水揚水出火蝦

六年秋七月大風壞田禾

七年夏旱飛蝗過境

九年夏旱

十年秋七月地震

十一年大有年

十二年春旱

十三年大有年

十五年春旱

十六年春旱

十七年春霖雨麥歉收

十八年春大風晝晦夏大旱秋霪雨隕霜殺蕎麥歲大飢
人相食冬十二月地震

十九年春大雪道殣相望夏麥豐收瘟疫大作人多死傷
二十年夏霪雨人多瘧疾冬十月地大震

二十一年春夏霪雨人多疥疾秋七月李家岡產芝草八

本

舊聞

史記五帝本紀黃帝舉風后力牧常先大鴻以治民

史記封禪書鬼臾區號大鴻黃帝大臣也死葬雍故鴻冢

路史高陽氏紀帝之曾孫曰黎及曰黎爲祝融淳耀敦芒天

明地德臨照四海是食火土黎卒帝嚳以回代之回食于

吳是曰吳同生陸終陸終生會人

路史前紀大隗氏見於南密或曰秦塊昔者黃帝訪秦塊於具茨蓋設於無垓垓之宇而臺簡以游秦清者

路史禪通記祝誦氏一曰祝融是爲祝融氏未有嗜欲無所造作師於廣壽以毓其德刑罰未施而民勸化三綱且九疇序是以天下洽和萬物咸若於是聽弇州之鳴鳶以爲樂歌作樂屬續以通倫類諧神明而和人聲是以耳目聰明氣血脩平而壽令長移風易俗天下大治則樂歌爲之節文也以火施化號赤帝故後世火官因爲號祝融氏號也祝融職也本非人名黎爲祝融同爲祝融皆職都於會故鄭爲祝融之墟其治百年葬衝山之陽是以謂祝融峰也

漢書藝文志風后孤虛二十卷龜策傳辰不全故有孤虛注
六甲孤虛法甲子旬中無戊亥戌亥爲孤辰巳爲虛甲戌
旬中無申酉申酉爲孤寅卯爲虛甲申旬中無午未午未
爲孤子丑爲虛甲午旬中無辰巳辰巳爲孤戌亥爲虛甲
辰旬中無寅卯寅卯爲孤申酉爲虛甲寅旬中無子丑子
丑爲孤午未爲虛

前漢書地理志韓地角亢氏之分野也韓分晉得南陽郡及
潁川之爰城定陵襄城潁陰潁陽長社陽翟郊東接汝南
西接宏農得新安宜陽皆韓分也及詩風陳鄭之國與
同星分焉鄭國今河南之新鄭本高辛氏火正祝融之虛
也及成臯滎陽潁川之崇高陽城皆鄭分也自東井六辰

至亢六度謂之壽星之次鄭之分野與韓同分

抱樸子黃帝東到青邱過風山見紫府先生受三皇內文以
劾召萬神南到圓隴蔭建木觀百穀之所登採苔乾之華
飲丹轡之水西見中黃子受九加之方過洞庭從廣成子
受自然之經北到洪隄上具茨見大隗君黃蓋童子授神
芝圖還陟玉屋得神金訣到峨嵋山見天皇真人於玉堂
抱樸子黃帝生而能言役使百靈可謂天受自然之體者也
猶復不能端坐而得道故陟玉屋而受丹經到鼎湖而飛
流珠登崆峒而問廣成之具茨而事大隗適東岱而奉中
黃入金谷而咨滑子論導養而質元素二女精推步則訪
山稽力牧講占候則詢風后著體診則受岐雷審攻戰則

納五音之策窮神姦則記白澤之辭相地理則書青鳥之說救傷殘則綴金冶之術故能畢該秘要窮道盡真遂乘龍以高躋與天地乎罔極也

王應麟困學紀聞黃帝書曰天在地外水在天外水浮天而載地又曰地在太虛之中大氣舉之道書謂風澤洞虛金剛乘天佛書謂地輪依水輪水輪依風輪風輪依虛空虛無所依風澤洞虛者風爲風輪所謂大氣舉之也澤爲水輪所謂浮天載地也金剛乘天者道家謂之罡風岐伯謂之大氣葛稚川云自地而上四千里之外其氣剛勁者是也張湛解列子湯問曰太虛無窮天地有限朱文公曰天之形雖包於地之外而其氣常行乎地之中則風輪依虛

空可見矣

世本陸終娶于鬼方氏之妹謂之女嬪是生六子孕三年啟其左脇三人出焉啟其右脇三人出焉其四曰求言是謂之郇國

鄭樵通志氏族畧陸終氏娶鬼方之女孕而不育十一年開

其左脇而出三人焉又開其右脇而出三人焉長曰昆吾

名樊巳姓封衛墟次日參胡董姓封韓墟周時爲胡國楚

滅之三日彭祖名翦彭姓封於韓亦彭之墟卽彭城也四

日會人邠姓封於鄭墟五日晏安曹姓封邾墟六日季連

辛姓其後爲楚昆吾氏爲夏伯湯伐桀滅之彭祖氏爲商

伯商之末世始亡于寶以爲先儒多疑此事譙周作古史

考廢而不論然六子之世乎孫有國數千年間迭爲伯王
天將興之必有尤物若夫前志所傳修己背坼而生禹簡
狄胥坼而生契歷代久遠莫足相證近魏黃初五年汝南
屈雍妻王氏生男從右脇下水腹上出而平和自若數月
劊合母子無恙

孔穎達毛詩正義鄒祝融之後復居祝融之墟鄭譖以鄭因
號檜之地而國之先譜檜事然後譜鄭檜曹國小而君奢
民勞而政僻季札之所不譏風次於末宜哉蘇氏曰檜詩
皆爲鄭作如邶鄘之於衛也

困學紀聞檜有疾恣之詩

序闕有襄楚疾恣也

周語富辰曰檜之亡由

叔姪

鄭語史伯曰黎爲高辛氏火正故命之曰祝融能昭顯天地之光明以生柔嘉材其後八姓於周未有侯伯王應麟註謂祝融之後已董彭禿妘曹斟芊八姓也

鄭元詩譜檜者古高辛氏火正祝融之墟國在禹貢豫州外方之北滎波之南居溱洧之間祝融氏名黎其後八姓惟妖姓者處其地焉周夷王厲王之時檜公不務政事而好潔衣服大夫去之於是檜之變風始作其國北鄰於虢徐廣曰郟在密縣東北不得在外方之北也

馬驢繹史論曰厲王之小子友宣王封之食采於咸林是爲鄭桓公紀年謂王子褒父者也幽王八年爲周司徒以王室將亂謀於史伯寄孳賄郟鬻之間驪山之敗桓公死之

其子武公掘突從平王東遷遂滅虢郟以爲己國史伯之謀驗矣夫史伯知周室之必弊虢石父褒姒之必亂周也又知滅周者必西戎與申繒而秦楚齊晉必且代興其於天道人事察之審矣有臣如此而幽王不用安得不亡顧其所以爲鄭謀虢郟者始寄賄以誘之終構隙以取之以詐術得人國何愛於鄭而憎於二國哉然自是以後南北之形勢常視鄭而鄭在春秋遂無世無晉楚之爭矣史伯亦見及否耶

詩譜幽王爲犬戎所殺桓公死之其子武公與晉文侯定平王於東都王城卒取史伯所云十邑之地右洛左濟前茅

後河食溱洧焉

竹書紀年晉文侯二年同惠王子多父伐郇克之乃屠鄭父之邱名之曰鄭是曰桓公

鄭詔桓公爲司徒甚得周衆與東土之人問於史伯曰王室多故余患及焉其何所可以逃死史伯對曰其濟洛河潁之間乎是其子男之國郇爲大號叔恃勢郇仲恃險皆有驕侈怠慢之心加以貪曷君若以周難之故寄孥與賄不敢不許是驕而貪必將背君君若以成周之衆奉辭伐罪無不克矣若克二邑郇蔽補丹依睪歷莘君之土也若前莘後河右洛左濟主茅魏而食潦消修典刑以守之唯是可以少固公說乃東寄孥與賄郇號受之十邑皆有寄

地

史記桓公爲司徒一歲幽王以褒后故王室治多邪諸侯或
畔之於是桓公問太史伯曰王室多故予安逃死乎太史
伯對曰獨雒之東土河濟之南可居公曰何以對曰地近
號鄆號鄆之君貪而好利百姓不附今公爲司徒民皆愛
公公誠請居之號鄆之君見公方用事輕分公地公誠居
之號鄆之民皆公之民也桓公曰善于是卒言王東徙其
民雒東而號鄆果獻十邑竟國之

呂氏春秋韓氏城新城期十五日而成段喬爲司空有一縣
後二日段喬執其吏而囚之囚者之子走告封人子高曰
唯先生能活臣父之死願委之先生封人子高曰諾乃見
段喬自扶而上城封人子高左右望曰美哉城乎一大劫

矣必有厚賞矣自古及今功若此其大也而能無存罪戮者未嘗有也封人子高出段喬使人夜解其吏之束縛也而出之

後漢書鄧晨傳更始元年偏將軍鄧晨與光武畧地潁川俱夜出昆陽城擊破王尋王邑徇陽翟以東至京密皆下之

李賢注京密二縣名屬河南郡密故城在滎陽東南

後漢書寇恂爲潁川守密人賈期亂討平之一郡貼席

晉書杜預傳預將終先爲遺令曰吾往爲臺郎嘗以公事使過密之邢山山上有冢問父老云是鄭大夫祭仲或云子產之冢也遂率從者祭而觀焉其造冢居山之頂四望周達連山南北之正而邢東北向新鄭城意不忘本也其隧

道塞其後而空其前不填之示無珍寶不取于重深也山
多美石不用必集洧水自然之石以爲冢藏貴不工巧而
此石不入世用也君子尚其情小人無利可動歷千載無
毀儉之致也吾去春入朝因郭氏喪亡緣陪陵舊義自表
營洛陽城東首陽之南爲將來兆域而所得地中有小山
上無舊冢其高顯雖未足比邢山然東奉二陵西瞻宮闕
南觀伊洛北望夷叔曠然遠覽情之所安也故遂表樹開
道爲一定之制至時皆用洛水圓石開隧道南向儀制取
法于鄭大夫欲以儉自完耳

方輿紀要晉永嘉五年洛陽陷司空荀藩等建行臺于密旣
而秦玉業自洛陽南奔密藩等奉之南走

魏書孝靜紀天平四年春滎陽人張儉等聚眾反於大駝山

通寶炬壬辰武衛將軍高元盛

北史

討破之

北史虛勇傳元象初官軍圍廣州未拔行臺侯景聞西魏救
兵將至集諸將議之勇請進觀形勢於是率百騎各攜一
馬至大駝山知西魏將李景和將至勇乃多置旛旗於樹
頭分騎爲十數隊鳴角直前禽西魏儀同程華斬儀同王
征蠻而還

唐天文志柳七星張鶉火也初柳七度餘四百六十四秒七

少中七星七度終張十四度北自滎澤滎陽並京索暨山

南得新鄭密縣至外方東隅斜至方城

潁州

抵桐柏北自宛

葉南暨漢東盡漢南陽之地又自洛邑負北河之南西及

函谷逾南紀達武當當漢水之陰盡宏農郡以滎源桐柏
東陽爲限而申州屬壽星古城周鄭管卽東魏密洛南鄧
及祝融氏之都新鄭爲軒轅祝融之墟其東鄆則入壽星
柳在輿鬼東又接漢源當商洛之陽接南河上流七星係
軒轅得土行正位中岳象也河南之分張直南陽漢東與
鶉尾同占

元史太子愛育黎拔力八達監國時以其傅李孟叅知政事
孟以武宗變輿未至不可冒承大任固辭不許乃逃去武
宗至大二年詔徵前叅知政事李孟命人搜訪得於鈞州
之陘山召見帝曰此皇祖妣命爲朕賓師者乃授中書平
章事後相仁宗兼掌國子學賜爵秦國公仁宗皇慶間學

校大興人材曰盛皆孟之力也

明史忠義傳云十四年正月賊陷寶豐知縣朱由械死之未幾陷密縣知縣朱敏汀及里居太僕卿魏持衡舉人馬體健亦死之由械敏汀皆宗室見諸王傳中由械益府鎮國將軍常澈子敏汀亦宗室並由貢生敏汀妾張氏一女一孫及藏獲數人俱死與由械並贈僉事

王鴻緒明史稿崇禎元年陝西大饑安塞馬賊高迎祥自成舅也自稱闖王三年張獻忠聚衆十八寨稱八大王四年李自成與兄子過往從迎祥獻忠等合縱橫陝西山西六年南踰太行掠懷慶等處會天寒水合從毛家寨策馬徑渡入河南七年洪承疇檄總兵左光先與賀人龍合擊大

破之迎祥自成竄入終南山已而東出陷陝州寶豐汜水
滎陽聞左良玉兵將至移壁梅山溱水間八年大會於滎
陽老獶曹操革裏眼左金王改世王射塌天橫天王混
十萬過天星九條龍順天王及迎祥獻忠十三家七十二
營四出攻殺陷霍邱固始燔壽州陷潁州復入陝西洪承
疇與戰渭南臨潼自成大敗東走九年春自成攻廬州滁
州盧象昇親督族寬羅岱楊世恩等救滁州戰於朱龍橋
賊大敗北攻壽州折而西入歸德境復爲邊將祖大樂所
破走密縣登封十四年正月破河南府移攻開封七晝夜
解去屠密縣

吳偉業綏寇紀畧崇禎八年九月初六日賊自嵩華趨邠

禹攻密縣知縣苗之庭敗之城下李重鎮頓不進事緩用

解圍奏捷

李重鎮者司馬張鳳翼私人豫撫陳必謙遣之援密以五日有半行一百三十里至密圍解已

三日推官湯開遠促之追勦去賊營僅三十里兩日不動第三日發馬撥八十名殺賊五人擒二人離營二十里密邑村落爲空自鄆城至汝寧以六日走百八十里逗遛恒怯如此司馬反謂必謙爲吝賞爲苛求云

緩寇紀畧九年正月二十七日賊走汴梁陳永福從歸德秣

馬馳一百四十里及朱仙鎮過河日天大風賊不虞官軍

至蹙之武穆廟中砍一銀甲賊或云闖王非也三月初二

日賊攻密縣不利走登封初八日王進忠周維墉敗之于

登封郟城鎮賊走石陽關與伊嵩之賊合

緩寇紀畧七月初六日象昇提兵入襄陽賊聞之從浙川以

犯汝雒內地八月孫撫陳必謙以初四日移軍唐必舞陽

撤左良玉陳永福兵從汝洛反顧根本會象昇因京師有

急入援初六日由泌陽轉趨確山衝西平口而出汝寧賴

以無患

賊苗頭已抵舞陽去汝寧之西遂咫尺以

此遂折而奔許鄆東北汝寧得無恙 良玉永

福兵尋抵汴梁大賊仍遁登密

李光壁守汴日志崇禎十四年正月二十二日雒陽陷賊所

在震動二月十二日賊攻汴梁十八日黎明賊前鋒至四

關遠巡終日至夕遁去時傅左兵將至又傅保兵渡河賊

解圍遁密縣又走登封

說嵩據異跋語勝國末流土交証民無子遺崇禎七年老狗

狗一過汝洛山民震動自是遷徙遠域不寧鄉土八年流

賊高迎祥李自成張獻忠分躡偃鞏伊洛退屯新密山中

以朱龍橋之敗復走登封入秦而游奕之衆遍掠嵩土於是村舍爲空九年二月二日賊李自成過天星從密縣來盤據縣境八日汴將王進忠周維塘與賊戰於告城鎮敗之賊走石羊關八月賊復由汴梁西遁盤據登密避左良玉軍也是月二十六日左兵至殺賊於唐莊復南走十三年自成陷洛陽弑福邸邑紳常克念時客洛死於難賊旋東入攻汴不下復鼓行而西過密縣屠其城於是本縣望風瓦解幸保督楊文岳戰賊鳴臯賊漸入伏牛嵩洛始無大賊之跡而土寇李際遇申靖邦乃起縱橫蹂躪搜羅幾遍窮谷十四年十二月李自成陷許居之本邑復爲其別將所陷十五年李自成置僞官改縣曰令以盧氏舉人牛

金星爲左輔洛陽之孟長庚邠縣之李之剛俱受防禦長
葛之張虞機盧氏之牛佺卽牛金星之子俱授府尹以密
縣僞令冷英兼管登封而本縣城乃爲李際遇所據十五
年八月李自成圍李際遇於御寨聞秦督孫傳庭帥自西
來解圍遇於磁澗賊乃出山走龍門是時申靖邦據大金
店寨賊攻殺之際遇以御寨險幸存復盤城內居民逃竄
無一遺留者蓋自崇禎六年莎雞數萬集於襄城山西流
賊乃自河朔南渡暨十四年莎雞至嵩彈丸巖邑遂爲流
土必爭之所交訐而無已時兼之屢旱繼蝗李屍載道父
子相食至於禾熟遍野收穫無人會際遇遠掠復遭武正
之殘嗚呼國之不祚民其糜爛洞天福地曷不幸劫厄至

是攷之史傳鼎革時所無者也豈非古今之大變異哉
區仙鬼草木五行所沴無關安危休戚者又曷足云

王韶之神境記滎陽郡南百餘里有藺巖山峭拔千丈常有
雙鶴素羽皎然日夕偶影翔集傳云昔有夫婦隱此山數
百年化爲雙鶴忽一旦一鶴爲人所害其一鶴歲常哀鳴
至今響動巖谷莫知年歲

博物志潁川陳元方韓元長時之通才 所以並信有仙者
其父時所傳聞河南密縣有成公其人出行不知所至復
來還語其家云我得仙因與家人辭訣而去其步漸高良
久乃沒而不見至今密縣傳其仙去二君以信有仙蓋由
此也

曲洧新聞新鄭有子產廟土人以為生產之神塑翁媪二像
其中及羣嬰兒于左右祈子者男女沓至也又有皮塲公
廟其神及湯陰張森唐宋累封惠應王者今人不知以為
子皮固誤乃有皮匠二十餘人認為祖師歛錢穀禱賽之
尤可捧腹此可與杜十姨同入笑藪

中州集胡汲字直鄉衛州人少有賦聲與新鄭傅伯祥呂鵬
舉相友善又呂大鵬字鵬舉密縣人自言宋名相申公之
裔

書影予鄉鄭雜間每言與則曰孤與人物則曰孤你然無其
字久乃知為芘也秦以市賣多得為芘芘正音孤又所在
言足為芘不知原有豨麪之麪餘也

皇甫牧三水小牘許州長葛令嚴郃衣冠族也立性簡直雖
羈束於官署常畜退心咸通中罷任於陘山下置別業良
田萬頃桑柘成陰奇花芳草與松竹交錯引泉成沼疏阜
爲臺盡登臨之志矣夫人河東裴氏有三女長適滎陽鄭
氏次適京兆杜氏幼曰阿珊特端麗妍瑩乙巳歲年十五
矣時清明節嚴公令盡室登陘山山西岑有鄭大王祠乃
於祠內薦酒饌令諸女從觀曰晚方歸降及山之半旋風
忽起于道左繚繞諸女塵壘陰晦衆皆驚懼而阿珊獨仆
於地色變不能言髮上失雙金翹乃扶持而歸召巫者視
之巫譚神言曰我鄭大王也今聘爾女爲三子婦其家邊
使齎酒餼紙錢令巫者請祠祈之既至得金翹於神坐上

巫者再三請禱神終言不可明日阿珊殞便憑巫言以達所以嚴氏遂令送服玩設禮筵於祠內厥後每有所須必託巫言告其家嚴公夫人卽余室之諸姑也故得其實而傳之

虞初新志汪价三農贅人自序余於行路凡三遇虎壬申先君命余至荊州謁賀惠藩道經玉泉山有虎踞崖僕夫駭走虎躍入田攫一雞掠余馬尾越澗去庚子遊密之超化寨飲於張鑑空山齋紅蕊侑酒不覺狂醉扶置馬上駟然據鞍而行聞從人謹諫聲次日始知有虎引二子飲澗中
都無動色甲辰遊富春山登子陵釣處因訪桐君見山門
絕巘一白額虎坐澗溪流余與衆客方側行巖下虎張爪

豎尾欲來撲人衆客噤戰俯地余拱手語之曰山君山君
聞聲久矣今日得瞻神采幸無妨我去路僕所携三寸弱
管耳當揮斤成長律奉獻虎黠首者三一嘯跳入叢莽與
衆客越宿樵子之廬燃燈疾書五排六十韻天方曙以詩
焚故處祝之曰一言相贈余不爽約君有英神能無印可
乎是夜夢虎頭人來謝教持鹿酒共酌興正酣爲役夫催
起乃驚失之

周夢陽嵩少游記余生平有山水癖一移中州由鄭州入密
多行夾道中若澗底忽出平壤則西山一抹隱隱眉睫間
將至密三四里有松數十仞一株出地而三歧自七尺許
品分之膚白如雪柔澤如凝脂指搯之液輒津津出香氣

可挹相傳黃帝時有三女俱得道一夕逝合葬其下明年
松生焉卽未必實然亦竒矣出密縣而西上下岡阜嵩
山青翠英英來逼人而迤南一孤峯巋然獨秀問其名曰
御寨也余視御寨若嵩山首耳旣至嵩乃知遠數十里爲
少室派不相蒙矣周子曰余旣游嵩山少林寺已愜夙願
而猶以盧巖未至爲憾盧巖者唐隱士盧鴻潛修處也景
絕勝在登封東自密來道甚近至少林始訪求遠矣豈天
不欲窮吾觀留存異日耶

王士正蜀道驛程記初六日晨發禹州暮抵新鄭縣城南五
十里過周世宗陵三十里過裴晉公墓里許涉洧水經云
洧水出密縣西南馬嶺山又東過鄭縣南注洧水自鄭城

西北入而東南流逕鄭城南其上卽子產以乘輿濟人處
縣故軒轅有熊氏國鄭滅鄆徙居此曰新鄭君乙二十一
年韓哀侯滅鄭復徙居之所云鄆居陽鄭之間食溱洧焉
溱水亦出密縣東南流至新鄭城西北與洧合班志云洧
水東南至長平入潁行五百里縣爲高文襄拱故里宋名
臣王沂公魯簡肅公歐陽文忠公呂正獻公皆葬於此蓋
潁川在宋時爲近畿卿相多賜葬地他如范蜀公葬襄城
楊文公蔡文忠公晏元獻公宋元獻公兄弟皆葬禹州不
歸葬也

陳大忠新鄭志風后預山下有大潭水碧如靛淵深莫測歲
旱禱雨輒應中有蒼龍每四月上旬雲氣突出其上鄰邑

必大遭雨雹舊傳泗州井有鎖蛟在焉乃其母也龍往看
則雨雹萬厯五年四月二日富城里民方姓者擔礮砂器
道經襄城縣水雹驟至砂器盡碎夜夢神示曰緣蒼龍過
爾器盡碎村南有張姓者其家麥三頃並無傷壞爾往報
之可索錢三百至則視麥果然張驚喜厚爲飲食仍倍贈
斧資使之歸

馮嗣京新鄭志具茨山下有潭水深不可測旁有孫氏數家
某嘗戒其宗曰潭有龍不可褻也宗人不聽一日湔穢汚
於潭上見小蛇浮水面共訝之某曰安知非龍宗人不聽
仍棒之蛇去須臾雲起潭中疾雷走雹雨下如注潭水溢
數十丈至夜房屋漸沒宗人急趨車房須臾水自房孔入

電光燭之見鬼負鱗瀟房忽二人共扶某登樹曰閉目
某竊視之皆怪也見庭除若水牛狀者數十負車輦水房
與人俱空矣惟某一家無恙民至今傳其事呼爲龍潭孫
家

馬士芳遊雲巖記樸孺子入雲巖見老翁斂膝端坐於巖內
鬚眉如雪面奕奕有光知非常人趨前致敬老翁曰子何
來對曰遊風后頂曰風后之遊樂乎曰樂風后頂與雲巖
孰勝曰風后頂高峻雲巖幽秀各據其勝未易軒輊老翁
曰風后頂高而露足大而無林孤峙天表而無所包含蘊
育此外壯也雲巖在大壑中遠望之窈然無所見比至前
橫角一轉萬象軒呈恍惚變幻驚目駭囁巖之中雲氣森

然嘯吸巔壁醞釀霖澤巖之外嶮呀怪石如入武庫矛戟
森森深窟寒潭蛟龍盤據以時出沒威雷霆而神變化又
有蒼松翠竹竒花異草禽鳥五色飛鳴上下斑斕成文韻
諧韶濩此內壯也老夫愛之故常居之徐又曰觀子衣冠
動止豈業儒者乎對曰然曰旣業儒知儒之真乎曰小子
寡昧何足以知之老翁曰孔孟而後真儒輩出代不乏人
其失也漢蕪唐浮宋陋祛此三者可以知真儒矣樸麗子
唯唯拜教欲有所請顧親老翁目已瞑遂退

相傳崇禎間邑西關有民日暮抱孫坐惠政橋上見一人自
西來行色倉皇類遁邇者闐然入城而去時于戈擾攘人
心不靖民卽送孫於家入城進衙探消息至則毫無踪跡

心異之次日黎明伺於城西崗見此人自城出民詰之曰
余中獄神役吏也向爾邑城隍神提冊子登封李際遇申
靖邦不久作亂各邑造冊余奉命來提汝何疑焉民大駭
廼哀乞曰冊子內有吾姓名否吏啟冊首一人卽此民也
民懼甚吏曰但謹言聞登封有變卽向東逃可免民默記
之未幾李與申戍官劫庫鄰邑騷動民卽携姪遁欲東而
西與李申之衆遇遂遇害其姪中一鎗而逃

相傳崇禎十三年城內韓姓僕女爲主婦捶楚不堪逃藏城
隍神塑像後夜見城隍神檢點鬼簿吏唱曰星君案臨邑
人某當死某應一刀致命某應二刀致命默記了了回述
於主人主人以爲誦詞莫免責也後李自成過天星攻破

邑城邑人死難者悉如僕女言

相傳崇禎十四年正月李自成由汴至密多遣別部抄略鄉曲有二十人乘馬由歧固至新鄭繫一人于馬後回密殺之謂爲新鄭長官城中民集棹椅器械填塞城壕以木引火烟漲蔽天賊望之不敢進屯城西樊家河三日火息攻城時韓魏守西城馬孝廉守南城東街人守東城北街人守北城東北先破或云守城者無糧而散故陷十五年李自成置僞官冷英兼管登封後爲張問明所擒

和傳斬司空於中作牧時自成犯法當死繫於堂柱司空夜夢巨蟒盤據柱上驚醒使人視之則自成繫焉司空祈其人曲釋其罪後自成初次至密特至斬寨拜謝不殺之恩

札營於寨東南胡坡嘴求見司空司空命僕人著皂衣冠見之自成率衆羅拜僕人驚嚇立誓自戕言寨西上阜高與寨等若被人據之此寨危矣宜屯兵其上過密三次未極殺戮之慘或爲司空之故至十四年攻汴不下有人言密爲汴之鎖鑰宜先撤其藩籬於是移兵攻密駕大炮於城南崗望十字街打入傷人甚衆城內有人獻城賊由城東北隅入屠戮甚慘

相傳李際遇之始亂也以欠糧錢被執繫登封縣衙前石獅以石擊斷獅足而遁據嵩頂北蝦蟆山上爲亂與密接壤其抄畧不可勝紀後破少林寺奪據御寨勢更猖獗嘗至超化寺札營三台岡張問明設筵超化寺請際遇赴宴伏

甲以待際遇慨然往酒半際遇覺有變乘間至寺門外馬已去鞍以刀斷索騎而走伏兵齊起惟金花泉一面無人潭深數丈際遇縱馬加鞭凌波飛渡如履平地郭龍郭鳳伏五龍廟灣驟起擊之際遇墜馬復起而乘僅以身免際遇忿甚陰圖報復後潛師襲趙化造雲梯夜半魚貫上關帝示慶問明驚覺寨上已紛紛矣急令家將力拒十字口堆柴燃火火光四照郭龍夫婦倉皇持長鎗血戰又令人斷其上寨路雲梯中折際遇之衆殲焉有剖腹而走死於寨下者其腸尚挂於寨樹之根後屢次侵擾互相報復際遇掠禹許諸郡米穀運而歸問明使楊線匠截於劉背坡運糧者乃際遇之兄線匠大撻賊脅力過人惟楊線匠能

敵之至則與之約不許施鎗刀弓矢但較拳棒不勝則十
分抽一如是者屢一日拋下寨截糧線匠詣關帝廟拜禱
盜忽落地識者知其不祥至劉背坡爲際遇所殺

密縣志卷十六

賜同進士出身候選知縣前國子監學正武進謝增

同纂

賜同進士出身密縣知縣子科河南鄉試同考官景綸

叙錄

知縣李芝蘭密縣志序余宰密閱三載撫念彫殘殫精生聚
朝夕飲水母敢逸豫憶入境之始蒿萊滿目而茲且田塍
畢如矣瓦礫紛披而茲且室廬繡錯矣及循覽古蹟歲時
禋祀奔走榛莽之間顧瞻狐兔之蹤而茲且輪奐丹堊次
第興復矣雖民社之責百不塞一然迺視筮仕初心庶幾
無大負越豈區區謫劣是爲亦得之賢士大夫之指示故
老遺文之考稽者多也其地方利病之源風俗淳澁之故

民情誠僞之端間有疑隙則取縣志繙閱之覈故實鏡疑
繁問途已經竊取成憲每孜孜不倦第密之志成于成化
甲辰修于萬曆癸酉及崇禎甲戌然皆簡率掛漏而甲戌
以來更不勝缺略之嘆際

國朝鼎盛諸務維新國史郡乘均屬鉅典而

簡命嚴于日星典制視若弁髦其謂之何公事之餘因與紹
之韓孝廉鑑空張明經議修密志蒐討故實博諮輿論芟
蕪存真輯文崇質鉛槧劫密閱兩月而告竣兩君子洎諸
士民咸謂密叢爾一隅文獻寥寥茲者舉要綜凡詳而不
蔓信而不誣匪啻賸往洵足詔來已矣曰唯唯否否天下
事有成于偶然而壞于必然得之脫畧而失之明倫者密

固善地也僻處萬山之中簡絕四應之繁在昔戶口鱗集
建置櫛比風氣醇良人文炳蔚令茲土者得以優游簿書
從容卧理然前之從事者尙未釋不明不脩之憾况至今
日時經改革屢際兵燹戶口建置風氣人文視昔不及什
伯之一余不佞數年濫竽瞿瞿汲汲心神之所判劃教令
之所敷宣惟期道於罪戾卽修志之役集思廣益據事直
書亦惟矢不得不然之慮以覲免脫落之失而諸君子亟
稱之未足昭往安所詔來抑信而不誣則可謂云爾已矣
邑舉人韓繼文重修密縣志跋志也者非僅志其山川土田
文獻名物已也將因地制宜以示勸懲以昭法守也密故
有志經兵火殘毀之餘所載甚畧且于甲戌以後闕焉難

謂之無志可也我賢侯李公才兼三長政成四載循績日
勒豐碑其最異者修廢舉墜不煩民力而仰符帝鑒如鼎
文廟而瑞芝產于棟間建石橋而欄楯得之禱應神人和
協呼吸感通洵足異已因念風土民俗利弊因革之源經
畫調停之故匪志莫存汲汲乎圖修密志探及芻蕘諮誠
探討靡蕪靡誣務晰務真使百里提封一披閱而飭如繩
獲煥若丹青斌斌乎大備矣無論晦冥凡傑莫不灼然有
所考鏡而灼然有所觀感公之造于密顧不偉歟昔人有
言文章經國之大業不朽之盛事今日之志固公經世之
文不朽之業于以示勸懲昭法守後之人庶有所遵循也

哉

知縣袁良怡重修縣志序稱禮小史掌邦國之志外史掌四方之志又有職方氏掌天下之圖以辨其邦國都鄙人民與財用九穀之數迨秦壞亂古法變井田而開阡陌廢封建而立郡邑則今之邑令竟如古五等諸侯子男之國也今之邑志竟如古職方氏所掌天下之圖也且今之邑志其志方域志建置以及志人物文藝等目又竟如古辨邦國都鄙人民與財用九穀之數也不佞治鎮八年茲忽補密甫越月兼攝陽城閩大中丞檄將密邑袁王兩令所修舊志參閱纂輯繕稿以呈居無何而閩中丞往鎮古黔不佞自省寡聞孤陋躊躇未果邇則復攝東里日奔走于車塵馬足間更未遑從事而勞大中丞又手書趣上邑乘

因與兩齋學博商曰怡嘗於簿書之暇讀史至周靈王已
亥晉侯與諸侯伐鄭會於蕭魚註載蕭魚在開封之密乃
自受事以來訪之故老故老不知稽之舊志舊志不傳由
斯以觀則今日之役政如古人論紀事之難必得人如劉
知幾所謂具才學識三者之長然後可以文質相稱本末
兼該也用是遴選諸生入局相與統任採輯廣收博取縷
析條分其於名山佳水幾何所則必書蓋曰此搜奇攬勝
之所係也其於沃壤瘠土幾何區則必書蓋曰此兩稅三
限之所關也其於聚廬而居者幾何族聯鑣而起者幾何
氏則必書蓋曰此鍾靈毓秀之所屬也其於目下李感恩
循聲嶺海鄭貞烈縊殉穴墳則亦必書蓋曰此密之文明

曰起氣化日開爲後來者之所則倣也他若忠臣孝子貞女節婦與夫白松仙踪雲巖帝蹟久經前人歌咏而討論者尤必援古證今務使盡協輿論而後方敢大書特書焉斯志也表君蓋勵厥始矣諸君蓋勤厥中矣不佞蓋慎厥終矣然不識與古職方所掌者爲何如也哉

知縣秦勳重修密縣志序邑之有志也凡山川之壯麗田賦之多寡戶口之盛衰職官之賢否物產風俗之異同美惡巨人士女之潛德懿行皆脩載之所以述往事詔來者昭法戒而垂勸懲也至

國家典制現所遵行尤宜詳載使洎任伊始者可按籍而稽焉豈非命之所宜首務哉予自庚午承乏密邑檢閱前志

雲集元卷二 重修
云始于成化甲辰而不著其名氏江陵蕭公河蕪崔公相
繼纂修舊本皆不存唯

本朝以來李公芝蘭修於順治癸巳體制雖具近於簡畧袁
公良怡修于康熙乙亥則浮文太盛嫌于繁冗思刪其浮
補其缺增丙子以後六十年事蹟脩一邑典故值

鸞輿巡幸中州辦理台站東西奔馳既又奉檄修

御射亭常十塚事多棘手日不暇給未遑及也既而邵郡尊
將修府志檄取縣事謀採訪邑紳士進而請曰密志之不
修也歷年所矣若復數年故老既沒雖欲從事紀載孰從
而問之茲誠鉅典不可以緩予曰是吾志也於是張明經
蘊升載筆韓生星源與阿咸丹復蔡生麟洲共襄厥事而

予爲之筆削訂正焉稿甫就未及授梓而予以越獄臺吏
議此事付度外矣未幾史蓼亭先生以江左名儒來泚茲
土復以相委固辭不獲乃重檢前稿詳慎增損期於文簡
而事備大約刪袁志之冗泛者十之三增兩志之未備者
半之乃釐爲十二卷付諸剞劂焉或見之曰清米也禮樂
也里保風俗也駐防也封蔭也凡例也增之可也若

恩旨不獨爲密載之邑志毋乃僭省志體乎予曰不獨爲密
而密亦被之則可載其不及於密者自不載也何僭焉且
我

朝典制超越前古如續增人丁永不加賦丁徭入田畝嘉惠
獎獨建忠義節孝祠以磨厲世俗立先農壇置藉田舉農

官以勸農事厚生正德誠求保赤之思無微不至前代所未有也而密人實身被焉雖不獨爲密而密可忘諸乎詳於志中使窮鄉僻壤稍識之無者一展卷而皆知深仁厚澤之所由擊壤鼓腹咏帝德而歌王風情農知勸薄俗知興此亦令之責也予方以必不可入邑志者不及盡載爲憾而乃以爲僭乎哉唯是才識卑鄙學殖荒陋謏劣無文之譏誠所不免則以俟博雅者修飾而潤澤之是所望於後來之君子

銜名 嘉慶二十二年新修志成
開辦于六月訖功於九月

纂輯

候選知縣前國子監學正謝增

江蘇武進人

同纂

密

縣

知

縣景

綸

滿洲廂黃旗人 己巳進士

參較

密

縣

教

諭張秉坤

宜陽縣人 乙卯舉人

密

縣

訓

導王熙堂

夏邑縣人 甲寅舉人

經理

密

縣

典

史董

鉉

順天宛平籍 浙江寧波人 監生

密

縣協防外委把

總楊向文

汝陽縣人 武生

繪圖

前

如意

館供

奉楊湛思

江蘇武進人 監生

歲

貢

生屈爲勳

邑人

分校

丁丑科進士戶部主事張紹衣

以下皆邑人

巳酉科舉人湖南黔陽縣知縣周文重

甲午科舉人前夏邑縣教諭陳光臨

拔貢生魯山縣教諭錢青山

戊辰科舉人張紹復

癸酉科舉人李雲

丙子科舉人王格正

採訪

巳亥科舉人前山東平原縣知縣裴廷桂

浮山保

壬子科舉人前彰德府訓導周訪禮

院青保

廩貢生 前洪縣教諭周彰如謝村岐固二保

庚申科舉人前署修武縣教諭冉及第高村保

乙卯科舉人洛陽縣教諭張紉芳王村保

甲寅科舉人新選虞城縣教諭張耿南在城天仙平隄三保

辛酉科舉人大挑候選教職李永烈南朱曲梁岳村王寨四保

丁卯科舉人大挑候選教職張森榮張固保

丁卯科舉人大挑候選教職傅咸如在坊保

乙卯科舉人傅瀚如在城方山常村三保

候選布政司理問司自修盧村保

歲貢生王名魁官澤保

生員鄭相臨西邢保

協訪

拔

貢

生張居恭

官澤保

拔

貢

生王化行

浮山保

副

貢

生周岐生

謝村保

歲

貢

生屈爲礪

方山保

歲

貢

生王魁臣

浮山保

歲

貢

生盧星辰

浮山保

歲

貢

生錢培堯

王村保

捐

貢

生柴 裴

高村保

廩

膳

生司邦直

殿岡保

廩

膳

生馮克立

天仙保

廩

膳

生蔡慎行

高村保

廩

膳

生劉臨川

張固保

廩

膳

生王珠林

官澤保

廩

膳

生陳元齡

謝村保

廩

膳

生楊彤如

在城保

廩

膳

生鄭樹芳

岳村保

廩

膳

生韓鳴皋

浮山保

增

廣

生陳種

玉寨保

增

廣

生張崑瑜

張固保

增

廣

生朱鵬翔

南朱保

增

廣

生陳加

南朱保

生

員張願可

保在城

生

員李青芳

保在城

生

員魏企田

保平陌

生

員臯乘震

保平陌

生

員鄭

保平陌

生

員韓孟依

保上郭

生

員趙嵩毓

保上郭

生

員邢思檢

保方山

生

員

保

生

員張基敬

保主村

生

員張位東

保西刑

生

員王樂夫

王寨保

監

生王

諫

在城保

監

生郭石山

在坊保

監

生張君書

常村保

監

生劉鉅

西邢保

監

生張淑躬

謝村保

佾

生宋明倫

曲梁保

監刻

員韓凌雲

武

生郭廷遴

武

生張清

武

生韓居午

書寫

房張珏

戶

房陳常德

禮

發

房高毓峯

承